

Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
Općinsko vijeće
Komisija za izbor i imenovanja

Broj:01-04-65/26
Vogošća, 20.01.2026.godine

OPĆINSKO VIJEĆE
VOGOŠĆA

PREDLAGAČ: Komisija za izbor i imenovanja

OBRADIVAČ: Stručna služba za poslove Općinskog vijeća

PREDMET: Odluka o visini naknade za rad članova Općinske izborne komisije Vogošća za 2026.godinu – Prijedlog

Dostavljamo Vam na razmatranje i donošenje prijedlog Odluke o visini naknade za rad članova Općinske izborne komisije Vogošća za 2026.godinu.

Dostaviti:

1. Naslovu
2. a/a

PREDSJEDNIK
Komisije za izbor i imenovanja

Handžić Jasmin

Na osnovu člana 1. stav 2. i 3., člana 2. stav 2. tačka c) Odluke o visini naknade za rad članova izborne komisije osnovne izborne jedinice u Bosni i Hercegovini (Prečišćeni tekst) („Službeni glasnik BiH“, broj: 31/24) i člana 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15, 9/20 i 23/24), Općinsko vijeće Vogošća na sjednici održanoj 2026.godine, donijelo je

O D L U K U
O VISINI NAKNADE ZA RAD ČLANOVA
OPĆINSKE IZBORNE KOMISIJE VOGOŠĆA ZA 2026. GODINU

Član 1.

Ovom Odlukom utvrđuje se visina naknade za rad članova Općinske izborne komisije Vogošća za 2026. godinu.

Član 2.

Članovi Općinske izborne komisije Vogošća imaju pravo na stalnu mjesečnu naknadu u iznosu od 210,00 (dvijestotinedeset) KM, izuzev u izbornom periodu za provođenje Općih izbora u Bosni i Hercegovini 2026. godine i to od dana raspisivanja Općih izbora 2026. godine do dana potvrđivanja rezultata Općih izbora 2026. godine za koji period se naknada utvrđuje u iznosu

- 800,00 (osamstotina) KM za predsjednika Općinske izborne komisije
- 700,00 (sedamstotina) KM za članove Općinske izborne komisije

Član 3.

Sredstva za naknadu za rad Općinske izborne komisije Vogošća obezbjeđena su u Budžetu Općine Vogošća za 2026. godinu.

Član 4.

Naknadu isplaćuje nadležna Služba za budžet i finansije Općine Vogošća.

Član 5.

Ova Odluka stupa na snagu narednog dana od dana objavljivanja u Službenim novinama Kantona Sarajevo.

Broj:01-02-
Vogošća, 2026. godine

PREDSJEDAVAJUĆI
OPĆINSKOG VIJEĆA VOGOŠĆA

Hadžić Nihad

O B R A Z L O Ž E N J E

Pravni osnov za donošenje Odluke o visini naknade za rad članova Općinske izborne komisije Vogošća za 2026.godinu je:

- član 1. stav 3. i 5. Odluke o visini naknade za rad članova izborne komisije osnovne izborne jedinice u Bosni i Hercegovini (Prečišćen tekst) („Službeni glasnik BiH“, broj: 31/24) koji glasi:
(3) Članovima izborne komisije iz stava (1) ovog člana, isplaćuje se naknada utvrđena u stavu (2) ovog člana, u utvrđenim iznosima i prema broju upisanih birača za tu osnovnu izbornu jedinicu, ukoliko je to za njih povoljnije.
(5) Nadležni organ utvrđuje visinu naknade za članove izborne komisije za svaku fiskalnu godinu, s obzirom na promjene visine paušala vijećnika/odbornika, broj upisanih birača za tu osnovnu izbornu jedinicu i raspoloživa sredstva općina/gradova.
- član 1. stav (2) tačka c) Odluke o visini naknade za rad članova izborne komisije osnovne izborne jedinice u Bosni i Hercegovini (Prečišćen tekst) („Službeni glasnik BiH“, broj: 31/24) koji glasi:
c) 210,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50.000 birača.
- član 2. stav 2. tačka c) Odluke o visini naknade za rad članova izborne komisije osnovne izborne jedinice u Bosni i Hercegovini (Prečišćen tekst) („Službeni glasnik BiH“, broj: 31/24) koji glasi:
(2) Članovi izborne komisije osnovne izborne jedinice koja nema utvrđenu naknadu za rad odbornika odnosno vijećnika u vidu paušala ili ukoliko naknada za rad odbornika odnosno vijećnika nije utvrđena u fiksnom mjesečnom iznosu, nego je vezana za dužnost koju vijećnik odnosno odbornik obavlja u općinskom vijeću, skupštini općine ili gradskom vijeću, skupštini grada odnosno njihovim radnim tijelima, kao i za broj održanih sjednica, u izbornom periodu imaju pravo na mjesečnu naknadu u visini od: c) 700,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50.000 birača.
- član 2 stav (4) Odluke o visini naknade za rad članova izborne komisije osnovne izborne jedinice u Bosni i Hercegovini (Prečišćen tekst) („Službeni glasnik BiH“, broj: 31/24) koji glasi:
(4) Predsjedniku izborne komisije može se odrediti veći iznos naknade u odnosu na visinu naknade utvrđene za rad članova izborne komisije.
- član 70. stav 1. tačka 2. Statuta Općine Vogošća („Službene novine Kantona Sarajevo“, broj: 27/14-Prečišćeni tekst, 14/15, 9/20 i 23/24) kojim je propisano: „Općinsko vijeće nadležno je da donosi odluke, druge propise i opće akte i daje njihovo tumačenje“.

Razlozi: Odlukom o visini naknade za rad članova izborne komisije osnovne izborne jedinice u Bosni i Hercegovini (Prečišćen tekst) („Službeni glasnik BiH“, broj: 31/24) u članu 1. stav (5) propisano je da: „Nadležni organ utvrđuje visinu naknade za članove izborne komisije za svaku godinu....“, te u članu 2. stav (2) tačka c), propisano je da članovi komisije osnovne izborne jedinice u izbornom periodu imaju pravo na mjesečnu naknadu za svoj rad u visini od 700,00 KM..“.

Finansijska sredstva za isplatu naknada predsjedniku i članovima Općinske izborne komisije Vogošća su obezbijeđena u Budžetu Općine Vogošća za 2026.godinu.